

The Makuilongdi Express

Liangmai Daily Newspaper

“Mazibo niu ngamne”



Actor Liam Neeson tuhai James Bond gu role ga kiura leng Daniel Craig sungga npou rai bowe chiudi panou Natasha Richardson niu suimah jiu, wakhatjiu paniu sibo role leng suikhai sai kalek npek mira boi chiubo jengniu tahmibo we chiujiu patu interview lubo ga dinne.

Masuang Tamei gu SDO/BDO phungkhaibo Lapui Hannah Kamei IAS hai thaimien niu Director of Fisheries Government of Manipur gu phungmi sune. Pahai Tamei ga wangjiu SDO/BDO thiubambo wanga aliu area leng changam kakeng kamkhai diakbo pui ye. Pahai Dinganlung Gangmei, Hill area gu Chairman thiubambo khenpui ye.



Zengtung 23 Karehiu 2023 Kajannai Chiang PO Tamei, Tml. Dist. Manipur Vol.II. Issue 5 page 1

Karingbo singbang rasy se tiura khatdi namdi gu rengmun ga ngutra paliu faini katha masanlu maidung se paliu don wi ye. Madukhaibo 22:14.

Noney district zengtung 22 gasu sujiu wanchak 60 bandh tadkiu rabo si lelan mide.

Noney Kareh. 22: The Village Council, Longmai Area khatdi Civil Society Organizations (CSOs) Noney District niu Manipur government tu pien makjiu wanchak 60 National Highway 37 ga bandh tadkiu ra chapkhai bosu kasuibo phungwang mibo jengniu tadkiu lak mide chiujiu din madu pad mide. Ndanai Noney district hq. ga Hon'ble Chairman Hill Area Committee joujiu kasuibo phungwang mibo donniu we chiujiu dinne. Paliuniu suikhaibo point 5 we, siseru, 1. Lab Technician hai Noney PHC ga haibo hiu lungga khaimi ra ye. 2. Kanahiu 2023 lungga Ambulance driver khat pira ye. 3. Doctor nia khatdi nurses mai thaimien transfered tadmi maisi PHC Noney nai CHC Nungba ga nidkak khat lungga piwang joukhai lan raye. 4. Kanahiu 2023 kaloibo ningga Noney district leng ambulance khaisan raye. 5. Tuhoi bambo Doctors khatdi Nurses riga CHCs khatdi PHCs Noney district lungga bambo leng thaimien recruit kambambo hai loisai khaisan raye. Haibo palam mangiu haisi government nai bandh kambambo kakga kasuibo phungwangbo jengniu bandh tadkiu ra chapkhaibo hai lemibo we chiujiu tacham ga dinne.

COHSEM niu conduct thiubo class XII Exam hai thainai tadkiu misune. LHSS Tamei, gadi raithubo thiujuu exam khai sune.



TME.Tamei. Kareh. 22: raye chiujiu dinne. Ariaknah Tamai ga bambo Langmei mai thaikum Higher Secondary School, exam khai rabo hai Tamei gadi class XII examination gu centre khaira pakhianga ariaknah 53 suikhai mibo kum thaikum bamme, siga arts stream gu niu raithubo thiujuu Council sai ariaknah 39 khatdi science stream ga sai 14 chiujiu Council of Higher Education bamme chiujiu Manipur (COHSEM) niu dinne. Haileng jengniu jukhaibo hangga examination pageng bambo kaden mak hai tadkiu sune chiujiu kasa hina di kaden loi mide tacham ga dinne. Tamei gu chiujiu dinne. Haibo exam hai centre gahai arts nai science wiji tadkiu lura jengniu stream gu thiujuu khai niu ndanai Tamei contd. in p.2

Manipur gu Governor kasan Anusuiya Uikye tu Oath TYaking lubo ngam ndanai Raj Bhavan Imphal ga Takiu khai mide.



Imphal: Kareh. 22: Ndanai Singh, Chief Secretary Lapui Anusuiya Uikye tu Rajesh Kumar, DGP P 18thbo Manipur gu Governor Doungel khatdi Senior Officers wangjiu joukhai mide Imphal ganiu Oath Taking chiujiu tacham ga dinne. Oath lukhai mide chiujiu dinne. Patu lukhaibo tienkam ga acting Chief Justice of Manipur High Court, Justice MV Muralidaran niu administrator thiujiu takiu khai mide. Oath taking lubo ga Chief Satyabrata Secre cond. in p 2

Zengtung 27th nai aliu namrai thiubambo Nagaland State ga luan 14thbo Member of Legislative Assembly election tadkiu misune.

Nagaland. Kareh. 22: Thaimien Nagaland state ga Member of Legislative Assembly gu election jengniu tamtambo party dung tanjiu campaign tadkiuju bam mine. Thaimien Nagaland ga zengtung 27th nai hai candidate 184 gu fate decide thiukiu sune jiu khonjiu bam mide. Nagaland gahai chabam 60 bambo lungga candidate chamai 184 niu thaimien voote chap padjiu bambo we. Really khatdi campaign kambo gasu kashai thiuniu bodi padjiu bam mide. Ndanai Mokochung district, Koridang constituency gu JD(U) gu singnapiu tudi palun simak mainiu min lujiu tadmibo hai kashaipum thiujuu douwe chiujiu tacham ga dinne. Pagu-pagu party niu khangra maksai government thinra matanbo kumjiu party gu central leader maidi soumakjiu Nagaland State ga campaign kiusou makjiu bam mide. Zengtung 24th Karehiu naidi India gu

Karingting Lunlung



#####Lungsa pui yoh, ania gu di jah! Naga solution suangdi pawan ngut mawi mide. Nang suikhai ratu khon-khon akah maidung ra paliutaa lungmai di jou mide.

Parasi ka masibo bang tu tatu wan ne

Zengtung 27th nai aliu namrai thiubambo Nagaland State ga luan 14thbo Member of Legislative

COHSEM niu conduct thiubo class XII Exam hai...

Editorial

Chamainah chapchi-chaben chamjiu maksai pakamsi chamjiu lung kam bamdi aliu charuang (society) ga pakhak (class) tam-tamjiu kaku-kana thiujju khatdi lungwi lungshabo padbo hai ndega suniu lo chiubo makum khaira pageng bamme. Aliu mathiu leng naikhat ga pawan nchamjiu doukamme chiudi pawan hai mathiu thin ncham makge, mai khangsia niu pung 7, khangsia niu 5 khatdi 10,15 chiujiu tamm-tamjiu thin ne haiga suniu di aliu khuga npekbo haidi ye. Makebo chakiubo maranbo haiga suniu npekbo kengjiu padle. Aliu gu lunlung ga phuisai kai lungga riak tachat kumbo ra naikhat ga wanchak 3,4 ri nkiujiu kagengbo ga kam makjiu matha taki mahabo niu kengbam khe sui ye. Mai disu mibo kadih lam changam kambam mai ra zitdi zitnang lakjiu paliu ngam kamwang tanglakbo matanjiu lung nge. Hai ronna makjiu para thiujju aliu gu lunglung ra kalek thiu mak then pui-piu khuga ronna mangiu khaijiu kapad-kangut hinang pui-piu khuga ronna changinjiu lungbo gasu niudi aliu maikum jiu lung tang lakjiu bambo we

Manipur gu Governor kasan Anusuiya Uikye tu Oath TYaking lubo ngam ndanai Raj Bhavan Imphal

contd. from p.1

tary Rajesh Kumar niu President gu order hai kenpad khaijiu lukhai mide. Oath taking gu ngam hai loi lujiu Governor niu Guard of Honour tu Raj Bhavan ga inspection kamkhai mide, Kanambo ga Chief Minister khatdi Cabinet Ministers nai Official mai joujiu chalad kaphen chambo wandi lukhai mide choiujju dinne.

Chalad N-buong

Makhawbo: Chamai nagu lunglung ga mai kam kade maksai majjai simakbo jengniu mainiu manibo/phuiroubo tu dinbo we.



Prime Minister Narendra Modi di Dimapur ga kiujiu NDPP- BJP leng jengniu campaign kambo program hai tadkiu sune chiujiu dinne. Thaimien Nagaland ga BJP nai NDPP sit-sharing kamlan bambo kum BJP niu sit 20 khatdi NDPP niu sit 40 chiujiu tadkiu bambo we. Election gu result hai wangkinbo Kanahiu zengtung 2nd nai paamadu mi sune chiujiu tacham ga dinne.

GOVERNMENT OF MANIPUR
OFFICE OF THE ELECTORAL REGISTRATION OFFICE/SDO
52-TAMEI(ST) ASSEMBLY CONSTITUENCY
TAMENGLONG DISTRICT

NOTICE
 Tamei, the 22th February, 2023

NO. 5/ERO(52)/ ELE/SSR-2023: Notice is hereby given to all the electors of 52-Tamei (ST) Assembly Constituency that the time and place of hearing for Claims/Objections and correction of particulars applied in Form 7&8 prescribed in the Registration of Electors, 1960 in connection with the removal of Photo Similar Entries (PSEs) as per the schedule given below:


S.No.	No. & Name of AC	Polling Stations	Date and Time	Place
1	52 - Tamei (ST) AC	52/1 to 22, 52/28 to 52/33, 52/40 to 46, 52/49 to 52/52	24th & 25 Feb.. 2023 11:30 AM to 3:00 PM	T a m e i ERO/SDO Office
		52/23 to 52/27, 52/34 to 52/39, 52//47, 52/48, 52/53 to 52/93	24th & 25th Feb. 2023 11:30 AM to 3:00 PM	T o u s e m A E R O / SDO Office.

Further, all the concerned claimants/objections are requested to appear in person at the hearing as fixed along with acknowledgement receipt and relevant document(s) with such evidence he/she may add in support of his/her claims and objections, If anyone fails to appear at the hearing as scheduled above, no further claims in this regard will be entertained.

sd/-
(Renee Newmai)
 Electoral Registration Officer SDO Tamei,
 52-Tamei (ST) Assembly Constituency

contd. from p.1
 wangjeng ga bambo chairman dung khatdi CSOs gu leaders mai khatdi pageng bambo official mai aruang lujiu makhiam thiu khai khatdi kakheng thiu cham khai mide chiujiu tacham ga dinne. Makum khai sui ye tadmibo takum waji suang gara aliu khuga haikumbo pazat kachabo doumakbo jengniu exam khaira jengniu tasenchalan waji tingjiu Tamenglong khatdi Imphal chiujiu Ariaknah mai tadjju chariubo waji doujiu lungkhai mibo we, chiudi pawan niu wahinang phungwangbo nai nchamjiu haikumbo pazat kachabo lungkhang lan kinbo ariaknah maileng paliupum pipadjiu tatien thiukhaibo jupou mai penniu aliu khuga haisi wangtang bambo we. Ariaknah maidi haikumbo siju karam matan khaijiu Tamei Centre gasu result di wiju दौरा matan khaira pathou siakge. Ariaknah maidi pathou chamakbo, ariak gaju tachengniu suimakbo kamsai Centre jandi kam masa lubuibo keng bamme. Siniu mathiu aruang lujiu Tamei gu Centre jandi kam madi sanjiu aliu zat tu mainiu chakhuang-charou thiu lura matan rabo thouwe.

Mathen Cham



Tadmibo Machanai Champion League Liverpool ga Real Madrid nai Liverpool club mathenjiu Real Madrid Club niu Liverpool Club tu 5-2 gasu ngamkhai mide. Real Madrid gu goal hai Vinicius Jr niu 2, Militao niu 1, Benzema niu 2 sigasu Liverpool gu goal hai Nunez nai Salah niu chankhai ye.